

Detalji prve optužnice zbog zasnivanja ropskog odnosa

Robovlasnik Fehim na optuženičkoj klupi!

Držao djevojku s posebnim potrebama kao roba, silovao je i tjerao da za njega prosi

Podignuta je prva optužnica za držanje robova u Bosni i Hercegovini, i to protiv Abdije Osmanovića zvanog Fehim, u šokantnom slučaju koji je otkriven još 2013., a ove će godine biti procesuiran pred Sudom BiH.

Surov način

Tužilac Posebnog odjela za organizirani kriminal, privredni kriminal i korupciju Tužilaštva BiH podigao je optužnicu protiv Osmanovića, rođenog 1968. u Živinicama.

Optuženi se tereti da je tokom 2013. i 2014. godine, protivno odredbama Evrop-



S privođenja Abdije Osmanovića: Tjerao je da spava i jede na podu

17
svjedoka protiv
Osmanovića

Čupao joj nokte
Među stravičnim detaljima koji su isplivali u javnost bili su i da je A. S. mjesecima silovana i ponižavana na najbrutalnije načine. Između ostalog, istraga je pokazala da joj je Osmanović čupao nokte, gasio cigarete po tijelu, bičevao je kablovima...

ske konvencije o ljudskim pravima, u ropskom odnosu držao A. S., osobu s blagom retardacijom, koju je za novčanu nadoknadu preuzeo od svog brata, nakon čega joj je ograničio svako kretanje, držao je zatvorenu u kući, potom odvođio na različita mjesta na području Živinica i Bihaća te je tjerao da za njega prosi i donosi mu novac.

Pripadnici SIPA-e Os-

manovića su u Bihaću uhapsili u aprilu ove godine. Živio je u unajmljenom pansionu u Jablanskoj ulici, gdje se prethodno, sa suprugom Senadom, doselio iz Živinica. S njima je boravila i nesretna A. S.

Osmanović je oštećenu višestruko zlostavljao na izuzetno surov način te, ako nije bio zadovoljan iznosom novca koji je isprosila, surovo tje-



Pansion u Bihaću u kojem je živio mučitelj

Žiga: Robovski sistem je trebao davno biti historija

Upitan kako komentira činjenicu da je i u 21. stoljeću u BiH prisutno ropstvo, da se podižu optužnice za to djelo, prof. dr. Jusuf Žiga, sociolog, kaže da je evidentno da je bh. društvo u dubokoj krizi, prije svega moralnoj.

- To je kriza sistema

vrijednosti u kojoj su stvari iščašene do kraja i u takvoj situaciji ništa nas ne treba iznenaditi. Nijedno društvo ne bi smjelo dopustiti bilo koju vrstu diskriminatornog, ponižavajućeg tretmana. Pa valjda je robovski sistem davno poslan u historiju - kaže Žiga.

lesno i psihički zlostavljao, što je ostavilo trajne fizičke ozljede i posljedice po zdravlje.

Dokazni materijal

U više navrata držao ju je u uvjetima nedostojnim za ljudsko biće, tjerao je da spava i jede na podu i zlostavljao na izuzetno teške načine. U novembru 2014. oštećenoj je na ulici prišao policajac, na-

kon čega je smještena u Sigmundu kuću, gdje joj je pružena njega i zaštita.

Osmanović se tereti za krivično djelo zasnivanja ropskog odnosa i prijevoza osoba u ropskom odnosu. Uz optužnicu je predloženo pozivanje 17 svjedoka, među kojima šest vještaka, a priložen je i obiman dokazni materijal. **B. TURKOVIĆ**